

■ GLOSSA

Allergicher

DA SILVIO CAMENISCH

Quai sto jau ussa far da savair, i savess esser d'interess general e particular. Ina pitga sontga, ein Säulenheiliger da la baselgia litterara rumantschae-tudestga actuala è sa dà d'enconuscher sco allergicherun da mias glossas. Ussa mes pollens che sgolan enturn pon schon chaschunar struanzas a sensibeluns. Sorry, n'hai jau betg pensà. Jau pens aber er nagut, u betg? Il sorry stat qua, ch'i stess uschiglio ina lingua d'alfabetisaziun standardisada odiada, lura tuttina meglier uschia.

Il Signur da –roba da tschel muond» ha scrit surlonder ina glossa. Scriva quel glossas, scriv jau gossas. Scriva quel betg main che roba da tschel muond, scriv jau modestamain rauba da quest mund. Fa nagut. Jau per mai sun pli che fitg satisfatg cun rauba da quest mund, jau bain. Jau na sun betg nominà, betg predestinà d'ina emprima giuria d'ina segunda giuria ed uschia vinavant giurias per tschel mund. Ils dis, meglier ditg giuvenessendis da la litteratura vegnan ils buns legids, jau manegel elegids or dals mals. Tut schon fatg tras. I tanscha.

Oje. Jau hai scrit en ina glossa chapricorn cun «h», ed in allergicher ha vis. Gist. I na fa betg meglier il capricorn da jau scrire chapricorn cun «h», jau manegel il «h» danvanz n'enritgescha betg il capricorn cun ina terza corna, ch'i fiss attracziun linguisti-



ca e turistica. Il «h» è tar noss capricorns rumantsch-segrischuns in suross sin la chavazza, el è danvanz, hahaha, sche quel n'è betg danvanz, na sai jau er betg pli tge! Betg danvanz è mes allergicher dal «h» danvanz tar noss capricorns, El dovri anc per pli grondas intenziuns, betg idea tgeninas, vegn gea betg communitgà avertamain. Noss capricorns rumantschsgri-schuns na vulan betg quel! Quest suross «h» danvanz sin la chavazza na vulan els betg. U tge schais, capricorns? Uss è il mument da tschantschar en la camera.

Pertge betg? Nu'è il problem? Vulcan voss sontgs da la communitad litterara – in–autra na savessan nus betg tgenina, – la gloriola gist: enturn chau, lain nus la terza corna sin chau. Nus savessan ans imaginar ina terza corna tranter las duas existentas che decorass, nus maneglain curunass nus. Fiss insatge sco ina trilogia da cornas, gist vus auturs plimegliers as spruvais da vegnir or cun ediziuns trilogicas ed intschainsar ellas, las trilogias e las personas a las messas

solennas. Nus pudain schon segir purtar cornas traidublas, in triple da cornas. Ils turistichers n'han garantì nagut encunter, allergichers surlonder n'èn els betg, els betg, nus er betg.

Jau scrivetgel maladester (Schreiberling) miserabel jau hai scrit senza chau chapricorn cun «h», il supergau da l'onn. Mia glossa, jau manegel gossa na vegn betg meglra cun scrire cun «h». La mia betg. Scrivai Rumantschs, scrivai! Scrivai era tudestg. Jau i na sai deplorablmain betg tant sco jau improv, sco jau ma sprov dentant mes allergicher D. A. Il sameglia è autur, criticher d'auturs, pensader e sai betg tut tge en la medema persuna. Co fan tantas persunas, jau manegel qua personalitads, da chattar plaz en ina persuna? Sa fan'las fitg fitg da stretgas u tge? Au! Smatgas mai. E ti mai!

È in allergicher da chatriels, Milbenallergiker, è in auter allergicher da mias gossas en general, dal «h» danvanz en ina spezial. In basegnun correctiv u tgenin ha muventà, la finla chatschà il Signur da roba da tschel muond (bain betg da quest mund) da ma dar in lavachau public, jau manegel publitgà sco glossa, adequata a la spezia. Bain glossa? Bain. Egal. Betg pensar, betg discutir. Jau sun vegni bletsch tras e tras! Puspè hai jau survegni il premi Bletsch (record). Subit betg sontg ma in sientamauns! Sun bletsch e sensibel cunter bletsch. Allergicher.